

打箭炉志略

打龍牙志

中國民族史地資料叢刊之十三（內部參攷）

打箭爐志略

中央民族學院圖書館編

打箭爐志略

目錄

建置

疆域

職官

山川

形勝古蹟附

津渡

關隘附

城垣

廨宇

驛館附

營汛

壇廟

臺務

閔權

土司

驛遞

夷賦

賞賚

土俗

附地名索引

打箭爐志略

建置

打箭爐

雅州府西南五百九十里。□□南□地相傳蜀漢諸葛武侯征孟獲

遣郭達造箭於此。雅州府志載明正土司始祖阿克會助武侯征孟獲有功封

授世職襲替世遠莫攷。唐乾元初改漢源郡為黎州屬劍南道設都督府管羈

縻二十三州。後增至五十州。皆徼外生番竊意鑪地當在羈縻之內。元以州屬

吐番等處宣慰司。至明洪武間阿旺堅叅隨征明玉珍有功。永樂五年授明正

長河西魚通寧遠軍民宣慰司土職。世居鑪地。而冷邊土司惡他原籍西番瓦

部人。蜀漢金環三結之後。世為西番瓦部酋長。管瀘江河西四十八寨三十六

堡。抗拒諸夷。歸誠中夏。自惡他上傳至安支。當明永樂八年隨征建昌月魯帖

本免有功。改授冷邊長官司。其沈邊因國始祖余伯江西吉安府人。明洪武□
□□□邊有功。授沈邊土百戶。後以出師□□□□授沈邊長官司。國朝定鼎。
順治九年。冷邊阿撒投誠。康熙五年。頒明正司印信。三十九年。打箭爐西藏營
官喇嘛作亂。官兵勦平之。沈邊土司余明奇隨征有功。而冷邊周至德率土兵
守沈村子牛烹壩三渡口。招安河西一帶。土民歸順。攻克磨西面。鑪番既平。復
以軍門令招安大木鴉小水鴉等十二處番衆歸款。雍正八年。新設分駐打箭
鑪雅州府同知管理口內沈邊冷邊。明正司口外舊附新撫各土司地方。

疆域

打箭鑪 口內東至沈邊所屬之飛越嶺口。口里與清溪交界。又冷邊所屬之
馬鞍山二百二十五里。與天全交界。口內南界沈邊所屬之雨洒坪海坪海。

流三百一十五里。交大田馬土司界。北界冷邊所屬之嵐州山岡二百三十里。交董卜土司界。口外西至明正所屬鴉龍江之中渡二百八十里。交裡塘界。南至明正所屬樂壞六百里。交建昌界。北至明正所屬魯密章谷四百五十里。交小金孫克宗界。

其沈邊冷邊兩土司及口外新撫各土司地方界。至分繫各土司條下。

職官

同知一員。雍正八年新設分防打箭鑪同知。汰驛丞歸併同知管理。按府志但載汰驛丞三字。並未詳載設官。裁汰始末。照磨一員。雍正十一年雅州府照磨駐打箭鑪。見府志巡檢一員。雍正七年駐瀘定橋。見府志打箭鑪監督員外郎

一員。筆帖式一員。今裁康熙四十年由京派委部院司員並帶筆帖式一員。領

給監督關防赴鑪征收稅銀奏銷即由監督用請字題本題銷將冊籍差筆帖式自行送部於乾隆四十五年十二月二十日奉上諭向來荆關打箭鑪兩處徵收稅務須派部院司員前往管理一年報銷更換但派往之員人地生疎又或經理不善往往易致缺少按例既□可不令賠補而該員等因一二年小差□□變房產賠繳官項非所以示體恤雖□□□項每多加恩豁免而於帑項公務實屬□□□有此兩處稅務由京派員前往之處竟□□□其業經派往者俱着掣回嗣後着交該督撫□□清等閱之例派委妥員奏明管理其應行裁改各事宜着該督撫妥議具奏欽此欽遵即於四十六年經前任督部堂文(綬)奏准改歸打箭鑪同知徵收副將一員舊為化林協副將駐化林坪雍正八年改泰寧協移駐噶達城雍正十三年仍回駐化林坪乾隆四十三年

改隼和協移駐打箭鑪。中軍兼管左營都司一員。雍正十三年泰寧協撤回化林分左右二營都司。乾隆四十三年以泰寧左營都司移駐打箭鑪為隼和協中軍都司兼管左營千總二員。把總五員。外委四員。

舊設守備一員。遊擊一員。雍正八年以□□守備移駐打箭鑪分防。十三年改□□乾隆九年改遊擊營。四十三年改隼和□□標左營遊擊守備俱移改泰寧營。四□□裁改都司營。泰寧營都司一員。見前千總一員。把總一員。外委一員。

山川 形勝古蹟附

飛越嶺 在化林東十里

南無脊山 鑪東里許高五百餘丈

大岡山 鑪東八十里高陟繞回盤折

郭達山

土人稱將軍山鑪東一里約高七百餘丈相傳山有神羊番民敬畏不敢登山樵牧

阿穆山

鑪西三里約高八百餘丈

折多山

鑪南四十里進藏要道

大蓋山

雪山

鑪北八十里終歲積雪不化

以上各山名俱見府志。鑪地自飛越嶺至中渡。跬步皆山。鮮有平壤。城介兩山。中通一道。內而咱里。瓦角。鴛鴦塘頭。道水柳楊岡。椒子岡。外而高日寺。卧龍石。八角樓。及西南之榆林。北路之王牧諸處。皆高高下下。岡巒綿亘。因番人不知山名。又無漢字紀載。無從考證。今人皆曰化。行旅日通。巒荒形勝。當必有口題。

物色登之簡策者

雅納溝河

自大蓋山雪山發源八十里北里許與蘆河合流七十里

按府志載蘆北里許與蘆河合今則□□□□外子兜坡麓即入麓河頂衝

東門城根□□□而協署後山一水細流即於北門城根穿□入河似又較

近

蘆河

自折多發源四十里而入蘆中

按府志打箭蘆載蘆河自折多發源至蘆中又於沈邊載蘆河源遠無考從
冷磧佛耳岩入沈邊界至小水岩一百二十里入清溪界似一蘆河分而為
二而雅納溝河與蘆河合流七十里入魚通河

伏讀御製蘆定橋碑記大渡河即蘆水源出吐蕃匯蕃境諸水至魚通河合

流入內地。源流固自分明。附識於此。

以公溝

自野牛山會諸水一百里達隆堪鋪由沈邨入瀘河

沈塞溝

河出化林南荒山無水源而至沈村口下浸入土中不見所出

化林海

西林山頂一海廣不過三里化林

以上各水俱見府志。此外如魚通河□□□河下入瀘定橋為大渡河入內地

□□□履其地未敢臆斷。

附形勝古蹟

層巒峻嶺峭壁懸崖中隔瀘河番藏要道。

見府志

郭達山

昔名砂吐納武侯七擒孟獲命郭達造箭於此地因以名府志打箭鑪尚存今莫考

溫泉

一在鑪南五十里地名魚鱗宮由大山脚自然泉流水性溫煖四時不竭就泉口相隔五丈餘開池修蓋房屋人常往浴能除風濕諸症一在北門

外十里地名二道橋臨河甃池水亦常溫前同知符兆熊築小樓其上以備憩息

按楊慎丹鉛錄據王褒溫泉銘白磬上澈丹砂下沉謂溫泉所在必白磬丹砂硫黃三物為之蒸為煖流鑪山出泉多煖處處有之顧皆微有硫氣至夜尤甚人浴之可療癰疥諸疾二道橋亦然惟魚鱗泉無硫氣與他處不同再按打箭鑪山水多奇勝如頭道水瀑懸流千尺山色蒼古左右皆高山峻嶺□□獨闢門戶不相連屬前臨驛路而萬壑□□日夜如雷轟風吼雖軍行蹴踏絕□□□□在驛館之後乾隆五十八年用師□□□旋於其地稍闢數椽節使惠齡大學士□入塞宿宿留題壁間遂為蠻鄉勝地其他近山鄉多有一邱一壑之勝惜僻在邊徼好事者遍涉其地一一表章之耳

津渡 關隘附

抄前燒

六

資料三刊之十三

瀘定橋

鑪東一百二十里康熙四十五年奉旨建

設渡船二隻巡檢專司之水盛過橋退則由口以渡

河中有石土人視以為水則亦如艷瀨口如象如馬也橋三年修緊及護橋墩護堤洋圈工程渡船修造例由建昌道委天全州辦理報銷

御製瀘定橋碑記

蜀自成都行七百餘里至建昌道之化林營化林所隸曰沈村曰烹壩曰子牛皆瀘河舊渡口而入打箭鑪所經之道也考水經注瀘水源出曲羅而未明指何地按圖志大渡河之水即瀘水也大渡河源出吐蕃匯番境諸水至魚通河而合流入內地則瀘水之從來遠矣打箭鑪未詳所始蜀人傳漢諸葛武鄉侯亮鑄軍器於此故名元設長河西宣慰等司明因之凡藏番入貢及市茶者皆取道焉自明季蜀被寇亂番人竊踞西鑪迄至本朝猶阻聲教頃者點番肆虐戕害我明正土官侵逼河東罪不容逭康熙三十九年冬遣發師旅三路四征

四十年。老師入克之。土壤千里。悉隸版圖。鍋莊木鴉萬千餘戶。接踵歸附。而西
鑪之道。遂通。顧入鑪。必經瀘水。而渡鑪。向無橋梁。巡撫能泰奏言。瀘河三渡口。
高崖夾峙。一水中流。雷轟矢激。不可施舟楫。行人援索懸度。險莫甚焉。茲偕提
臣岳昇龍。相度形勢。距化林營八十餘里。山趾地平。地名安樂。擬即其處。仿鐵
索橋規制。建橋以便行旅。朕嘉其意。詔從所請。於是鳩工構造。橋東西長三十
一丈一尺。寬九尺。施索九條。索之長。視橋身。餘有八丈。贏覆版本於上。而又翼
以扶欄。鎮以樑柱。皆銘鐵以庀事。橋成。凡使命之往來。郵傳之絡繹。軍民商賈
之車徒負載。咸得安驅疾馳。不致病於跋涉。繪圖來上。深愜朕懷。爰賜橋名曰
瀘定。在聲著勞諸臣。並優詔獎叙。仍申命設兵戍守。夫事無大小。期於利民。功
無難易。貴於經久。今既肇建茲舉。俾去危而即安。繼自今歲。時繕修協力維護。

皆管斯上者責也。尚冀永保無壞。以為斯民貽無窮之利。是為記。康熙四十七年二月初三日。

沈村

子牛

烹壩

以上三渡口皆瀘定橋未建要道。

中渡 鑪南二百八十里為鴉龍江下流皆巖山脚水勢涵湧非常舊設渡船四隻夏秋水漲每日卯酉時過渡以通文報行旅餘時不敢渡也。春冬水縮以船連綴以濟中渡汛弁司其事額設渡夫二十名由同知衙門月給工食修造渡船取年由汛弁稟報同知轉詳建昌道咨辦。

按渡口自雍正三年作廟碑記。是時鑪城尚未設官。碑後載撫標左營管理

中渡船政糧餉事務左司廳銜似爾特糧餉船政專屬汛弁管理。附存備考。